

علي يوسف علي

# صاحب العقل ... يميز

الطبعة الأولى

٢٠٠٨



تسويق ونشر

مجموعة أجيال لخدمات التسويق والنشر والإنتاج الثقافي

**الكتاب:** صاحب العقل يميز

**المؤلف:** علي يوسف علي

**الطبعة الأولى:** القاهرة ٢٠٠٨

**رقم الإيداع:** ٢٠٠٨/٢٢٩٦

**التسجيل الدولي:** I.S.B.N. 977-6215-23-8

علي، علي يوسف.

صاحب العقل يميز/ علي يوسف علي. ط١. -

القاهرة: مجموعة أجيال لخدمات التسويق

والنشر والإنتاج الثقافي، ٢٠٠٨.

١٦ ص: ٢٠ سم.

تدملك: ٨- ٢٣ - ٦٢١٥ - ٩٧٧

١- المسرحيات العربية.

أ- العنوان ٨١٢

صاحب العقل.. يميز

المدير العام  
مدير النشر  
خالد عبد الصمد خفاجي  
عادل متولي

الجمع والصف الإلكتروني  
القسم الفني

إشراف وتنفيذ  
تصميم الغلاف: الفنان  
إيمان خفاجي  
عطية الزهيري  
طباعة  
مطبعة المدينة



تسويق ونشر

مجموعة أجيال لخدمات التسويق والنشر والإنتاج الثقافي

الإدارة: ٥ شارع المصانع - من شارع شهاب  
المهندسين - الجيزة - جمهورية مصر العربية.  
تليفون: ٣٣٤٥٩٩٦٣ فاكس: ٣٣٠٢٦٤٣١  
التسويق: ٠١٢٣٧٠٥٠٢٤ - ٠١٠١٨٨٩٣٦٣  
Email: [agyal.gro@hotmail.com](mailto:agyal.gro@hotmail.com)

المنظر: العبد لله في تاكسي، السائق يستمع لخطبة دينية من الكاسيت ويبدو عليه التأثير.

العبد لله: ربنا يقوي إيمانك.

السائق: جميعاً يا رب.

العبد لله: لكن يا ترى الإيمان بتاعنا هيكون كافي لدخولنا الجنة؟

السائق (مندهشاً): تقصد إيه يا أستاذ؟

العبد لله: يعني هو كل مؤمن ضروري داخل الجنة؟

السائق (ينظر للعبد لله باستكبار): عندك شك في كده؟

العبد لله: ألم تقرأ الآية الكريمة: ﴿يَوْمَ يَأْتِي بَعْضُ أُنثَىٰ رَبِّكَ لَا يَنْفَعُ نَفْسًا إِيْمَانُهَا لَمْ تَكُنْ ءَامَنَتْ مِن قَبْلُ أَوْ كَسَبَتْ فِي إِيْمَانِهَا خُرًّا﴾، دي هي سورة الأنعام، الآية ١٥٨؟

السائق: قرأتها مرات عديدة، ولكن تقصد منها إيه؟

العبد لله: ما هو المعنى واضح زي الشمس، ممكن بعض النفوس لا تكسب من إيمانها خيراً.

السائق: كلام صحيح، ولكن إمتى يحصل ده؟

العبد لله: برضه الرد في كتاب الله، ﴿فَأَيُّ الْفَرِيقَيْنِ أَحَقُّ

بِالْأَمْنِ إِنَّ كُنتُمْ تَعْلَمُونَ﴾ الذين ءَامَنُوا وَلَمْ يَلْبِسُوا

إِيْمَانَهُمْ بِظُلْمٍ أُولَٰئِكَ لَهُمُ الْأَمْنُ وَهُمْ مُّهْتَدُونَ﴾،

الآيتين ٨١ و٨٢ الأنعام.

السائق: وهو فيه حد يكون دخل الإيمان قلبه ويظلم الناس؟

العبد لله: طبعاً، وكثير، وإلا ما كانش المولى سبحانه  
نزل الآية دي في كتابه.  
السائق: طب إزاي؟  
العبد لله: لما إبليس الخسيس يصور لك الظلم إنه شيء  
يقربك من ربنا.  
السائق: ودي تحصل إزاي؟  
العبد لله: بتحصل كل يوم في بلادنا من مرسى مطروح  
لأسوان.  
السائق: إيه دي إلهي بتحصل؟  
العبد لله: كل يوم الفجر بتدوي ميكروفونات في طول  
البلاد وعرضها تصحي الأموات بحجة الأذان.  
السائق (يرمق العبد لله بنظرة استنكار وغضب): آه، قول  
كده، إنت بقى من اللي بيحاربوا الأذان وصعبان  
عليهم يستمعوا كلمة الله أكبر بتدوي!  
العبد لله: لأ، أنا من اللي يصعب عليهم إن الأذان يكون  
وسيلة إبليس في نشر البدعة دي.  
السائق (يفرمل فجأة فيندفع العبد لله للأمام بشدة): إنت  
بتقول على الأذان بدعة؟  
العبد لله: لأ، أنا بقول على الميكروفونات بدعة.  
السائق (يتوقف ويقول بغضب): طب انزل، مش عايز أشوف وشك.  
العبد لله وهو يتهيا للنزول: بس كده مش ها تاخذ أجرة.  
السائق: الله الغني عن اللي بييجي من أمثالك.

العبد لله ينزل من التاكسي، ثم ينظر للسائق من النافذة  
مبتسما: بس يشهد ربنا عليك إنك طردتني  
لأنك حاسس من جواك إنك على الباطل وأنا  
على الحق.

السائق: أنا طرقتك لأنك من الملاحين اللي بيستمعوا  
كلام أمريكا ويحاربوا الإسلام.  
العبد لله: وهم اللي بيستمعوا كلام أمريكا بي فهموا في  
الشرعية؟

السائق: وهو أنت اللي بتفهم في الشرعية؟  
العبد لله: وها تعرف إزاي ما دام ما رضيتش تسمع  
كلامي للآخر.

فترة صمت، ثم يقول السائق: طب اطلع.  
العبد لله يدخل، ويتحرك التاكسي ببطء، ثم يقول السائق:  
الغريبة فيكم إنكم سايين بتوع الأفراح  
والدسكو والاستريوهات يدووا بالرقص  
والكلام الفارغ، ومش صعبان عليكم إلا  
كلمة الله أكبر.

العبد لله: جميل، إنت بديت بنقطة جميلة جدا.  
السائق (مندهشا): عاجباك قوي النقطة دي؟  
العبد لله: جدا، طبعا إن رأيك إن بتوع الأفراح والاستريو  
والديسكو ناس حمقى عشان بينشروا التلوث  
الضوضائي في المجتمع.  
السائق: طبعا.

العبد لله: لكن التي في الجوامع ناس عقلاء يعبدوا الله.

السائق: ودي فيها كلام؟

العبد لله: لا ما فيهاش، إلهي فيه الكلام، مين المفروض يكون قدوة لمن، العقلاء قدوة للحمقى ويخلوهم يحترموا شريعة الله واللا العكس، يقتدوا بينهم ويخالفوا الشريعة؟ ده الدولة طول عمرها بتحارب الأصوات المزعجة، ولما دخلت الميكروفونات الجوامع أصبحت الدولة في حالة حرج وترك موضوع الضوضاء تماما، وما فيش بلاغ ضوضاء بتقبله الشرطة اليومين دول، وده ببركة اللي بيخالفوا الشريعة وهم المفروض يطبقوها.

السائق: شريعة إيه إلهي بيخالفوها وهم بيدنوا عشان الناس تصحى للصلاة؟

العبد لله: طب ما الناس من أيام الرسول ﷺ (السائق يتمتم: عليه الصلاة والسلام) بيصحوا يصلوا من غير ميكروفونات.

السائق: وهو الرسول كان على أيامه ميكروفونات؟

العبد لله: لو تعرف خطورة الكلمة دي ما كنتش نطققتها.

السائق: خطورة إيه يا أستاذ؟

العبد لله: ده معناه إن وضعنا أفضل من وضع الرسول.

السائق: حاشا لله، أنا ما قولتش كده. الرسول ما كانش عنده كهربة، فهل إنت عايزنا ما نستخدمش الكهربا في مساجدنا؟



العبد لله: طبعاً لا، نستخدمها في حدود المصلحة الشرعية.

السائق: وإيه هي المصلحة الشرعية؟

العبد لله: الإضاءة في حدود المعقول، وتوصيل صوت المؤذن للناس في حدود المعقول، وتوصيل صوت الإمام والخطيب للمصلين في حدود المعقول.

السائق (بزهق): حدود المعقول، حدود المعقول، هو إيه المعقول من وجهة نظرك؟

العبد لله: حاشا لله يكون لي وجهة نظر مع الشريعة، الشريعة هي الله لها وجهة نظر.

السائق: مش فاهم.

العبد لله: عشان تفهم، لازم تعرف إن وجهة نظر الشريعة يقولوا عليها العلماء "أصول الفقه".

السائق: وبيقول إيه أصول الفقه في قضيتنا دي؟

العبد لله: سمعت طبعاً عن حديث رسول الله ﷺ "لا ضرر ولا ضرار".

السائق: كلنا عارفينه.

العبد لله: الله ينور عليك، كلنا عارفينه، ولكن يا ترى كام في المية منا عارف يطبق إزاي؟ أراهنك إن أقل من عشرة في المية يعرفوا.

السائق: طب ما تقولي بيتطبق إزاي.

العبد لله: سلفنا الصالح من الفقهاء أيام الصحابة كانوا بيحددوا حاجة إسمها "حد الضرر"، وبيعتبروه

حد من حدود الله. يعني مثل أنا عامل عملية القلب، ومش المفروض إني أكل أكثر من عدد معين من البيض كل أسبوع، العدد ده اسمه حد الضرر ليه في أكل البيض، أقل منه أكون في شريعة الله، أي بيضة بعد كدة تتقلني من شريعة الله إلى شريعة الشيطان، لأنه بيوسوس لي إني أضرب نفسي. فأني شيء في الكون له حد ضرر، إللي يتخطاه يا إما بيضر نفسه أو بيضر غيره، وفي الحالتين مش هيكسب من إيمانه خير مهما صلى أو صام أو حج أو أتصدق زي الآية ما بتقول.

فترة صمت، السائق لا يعقب، فيستأنف العبد لله حديثه: نيجي للصوت، هل إنت مقتنع الأول إن الصوت لو ارتفع عن حد معين يسبب أذى للناس؟

السائق: أيوه، لكن إحنا بنصلي.

العبد لله: ما تستعجلش في الكلام، وخده واحدة واحدة، يعني فيه حد ضرر للصوت.

السائق: وده بيعرفه إزاي؟

العبد لله: السؤال ده يبين إنك حطيت رجلك على الطريق الصحيح في معرفة شريعة الله، لأنها قايمة على العلم وتحري المعلومات الصحيحة، مش مجرد الأهواء والنوايا حتى لو كانت طيبة، وفي كثير من الأحيان يكون النية الطيبة طريق لجهنم.

السائق: والعياذ بالله.

السائق: الله يفتح عليك، المهندسين بتوع الصوت بيقسوه بحاجة إسمها "الديسي بل"، يعني إحنا مستوى الصوت اللي بتكلم به في حدود ٣٠ دي سي بل. وحد الضرر بالنسبة للصوت ٥٠ دي سي بل، وده يحصل لو حصلت حريقة والناس بتصرخ عشان حد ينقذها. بعد كده أي ارتفاع في الصوت ولو واحد دي سي بل يعني الانتقال من شريعة الله إلى شريعة الشيطان. (ثم يضع كفه أمامه كأنه حاجز بينه وبين السائق ويقول: "هو ده حد الضرر، وها اكتب عليه ٥٠ دي سي بل" ويكتب بإصبعه على كفه كأنه يكتب حقيقة، ثم يشير بيده الأخرى لليمين قائلا: "ودي شريعة الله"، ثم لليساار "ودي شريعة الشيطان والعياذ بالله، تعرف مستوى الصوت من الميكروفون كام؟

السائق (بتوتر): كام؟

العبد لله (يشير بيده إلى أقصى اليسار): ٩٠ دي سي بل.

السائق (في هزع): يا دي المصيبة؟

العبد لله: لأ، مش مصيبة واحدة، دول ١٥ مصيبة. التلوث

الضوضائي بيصيب الإنسان بـ ١٥ ضرر.

فترة صمت، السائق لا يعقب، فيستأنف العبد لله حديثه:

الأضرار دي بتصيب حتى الأجنة في بطون

أمهاتها، يعني لما جنين أو طفل لسه لحمه حمرة

يدخل في ودائه الـ ٧٠ أو ٨٠ أو ٩٠ ديسي بل  
حسب بُعد المسكن عن الجامع، ما يعرفش إلا  
ربنا أنهو ضرر هيصيبه، هل انخفاض في  
مستوى الذكاء لدرجة تقترب من التخلف  
العقلي، والا انخفاض في مستوى السمع أو في  
القدرة الإيجابية، ما هو حسب الضرر ها  
يضرب أنه منطقته في جسمه الغليان. تفتكر  
لو الرسول ﷺ كان عنده ميكروفون، كان  
استخدمه وهو فيه كل البلاوي دي؟

السائق (بصوت منخفض كأنما يحدث نفسه): طبعاً لا.  
العبد لله: ما أصله ما ينفعش، المسألة لها احتمالين لا  
ثالث لهما، إما إن احنا نقول إن الميكروفون  
بيحقق مصلحة شرعية، وتكون الشريعة  
فضلت ناقصه لغاية إحنا ما كملناها  
بميكروفوناتنا، ويبقى كلمتك إن الرسول ما  
كانش عنده ميكروفون إنه عجز عن تحقيق  
الشريعة على وجه الكمال، أو إن الميكروفون  
لا يحقق مصلحة شرعية، فيكون بدعة،  
وبدعة سيئة عشان الضرر الناتج عنه، والبدعة  
ضلالة والضلالة في النار زي ما قال رسول الله.

السائق (بنفس الصوت المنخفض): عليه الصلاة والسلام.  
العبد لله: وبعدين يا سيدي أنا حا أقنعك إن الرسول  
رفض بالفعل إنه يستخدم الميكروفون.

السائق (يضحك في اندهاش): إزاي وهو ما كانتش على  
أيامه ميكروفون؟

العبد لله: كان عنده شبه ميكروفون.

السائق: مش فاهم.

العبد لله: تسمع عن غزوة الخندق؟

السائق: طبعا.

العبد لله: في غزوة الخندق وقع الجيش الإسلامي في

كمين وتفرق الجنود في شعاب الجبال، فطلب

الرسول من عمه العباس ينادي على الفارين

للرجوع للقتال، وفضل العباس ينادي لغاية

الجنود رجعوا بالفعل، ليه اختار العباس بالذات.

السائق: لأنه كان معروف بصوته الجهوري، هو ده إللي

تقصده بشبه الميكروفون.

العبد لله: بالضبط، ودلوقت نسأل نفسنا، ليه اختار

الرسول عمه العباس للنداء على الجنود

الفارين، وما اختاروش لجمع الناس للصلاة،

واختار بلال صاحب الصوت الندي؟

السائق: لأ، هو العباس ما كانش أسلم لما نزلت

الصلاة، ولكن الحكمة أصبحت واضحة،

الصوت الجهوري حرام إلا في حالات الضرورة

زي الحرب أو الكوارث، ولكن في الصلاة

مطلوب الصوت الندي عشان يشيع الروحانية

أثناء العبادة.

العبد لله: الله يفتح عليك، ده فيه إللي أخطر من كده،

من المعروف إن التعرض للتلوث الضوضائي لمدة

ثانية يعطل العقل عن التفكير لمدة ٣٠ ثانية،  
وده شيء تعرفه لو إنت مسافر في الطريق  
الصحراوي مثلاً، وجت عربية تريلا من وراك  
وضرب السائق سرينة فجأة، مش بتفقد  
التركيز لمدة يمكن يحصل فيها كوارث.

السائق: طبعاً.

العبد لله: الناس اللي بيدافعوا عن الميكروفونات يقولوا  
"هم إنتم مش مستحملين دقيقتين أذان،  
بيقولوها وهم عارفين إن أذان الفجر وإقامة  
الشعائر بتأخذ قريب من الساعة، ولكن  
افرض إنها دقيقتين، هذه المدة تعطل العقل عن  
التفكير لمدة قد إيه؟

السائق: مدة طويلة طبعاً.

العبد لله: أطول من فترة إقامة الصلاة، يعني الناس  
بتصلي وعقلها معطل عن التفكير لا تفقه أي  
شيء، ولو بتسمع خطبة ما تفهامش منها  
كلمة. يبقى دي عبادة يقبلها الله، إذا كان  
لما حرم الصلاة على السكارى قبل تحريم  
الخمر قال "حتى تفقهوا ما تقولون"، يبقى إحنا  
بنحط نفسنا في وضعهم عشان خاطر عيون  
الميكروفونات اللي بأسميها "أبواق الشيطان  
فوق مآذن الرحمن".

السائق: ده أسم خطير جداً.

العبد لله: وما اضرب لك مثل واقعي، تصور إمام يقرأ الآية "ولا تجهر بصلاتك ولا تخافت بها وابتغي بين ذلك سبيلا، سورة الإسراء، الآية بتأمره بأنه يتوسط بصوته البشري بين الجهر والخفوت، وهو يقرأ الآية في ميكروفون يصحي الأموات، يبقى ده فاهم ويقول إيه.

السائق لا يرد، وبعد برهة يستأنف العبد لله حديثه: إحنا كده عرضنا الموضوع على مصادر الشريعة الثلاثة، وبالتدريج، أخذتك من أصول الفقه إلى سنة الرسول صلى الله عليه وسلم إلى القرآن الكريم، وده الأسلوب الصحيح لوضع الأحكام الفقهية للفقهاء اللي يعرفوا معنى الاجتهاد الشرعي، وما أقلهم هذه الأيام بكل أسف. وكمان ردينا على كل وساوس الشيطان اللي بيزين بيها للناس استخدام أبواقه عشان يبعدهم عن شريعة الله. لو سمحت تنزلني عند الناصية اللي جاية.

السائق: فرصة سعيدة، بس فيه سؤال أخير.

العبد لله: اتفضل.

السائق: ليه الوعاظ لما بيوعظونا ما بيكلموناش بأصول الفقه؟

العبد لله (ضاحكا): ما احنا لسة قايلين، التعرض للتلوث الضوضائي لمدة ثانية بيعطل المخ ثلاثين ثانية،

شوف بقى الميكروفونات بتدوي كام ساعة  
كل يوم من الجوامع، واحسب العقول متعطلة  
قد إيه يوميا في بلدنا عند الوعاظ وغير  
الوعاظ! ما فيش حل للمشكلة إلا إن أصحاب  
الأمانة بيدعوا بأنفسهم ويظهروا بيوت الله من  
هذه البدعة، ويجعلوا هذا التحرك بداية لحملة  
قومية لتطهير المجتمع من كل صور التلوث  
الضوضائي، ويبقى طبقنا شريعة الله بحق،  
ويعرف العالم بأسلوب عملي إن شريعتنا شريعة  
متحضرة مش متخلفة.

السائق: عندك حق، ربنا يهدي عباده.

العبد لله: آمين يا رب.

ستار